



JUMAAT, 16 OGOS 2024
UNTUK SIARAN SEGERA

CAAM KAJI SEMULA PERATURAN PESAWAT BERPENDAFTARAN ASING

PUTRAJAYA – Pihak Berkuasa Penerbangan Awam Malaysia (CAAM) komited untuk meningkatkan keselamatan penerbangan di Malaysia. Selaras dengan cadangan keselamatan yang disediakan oleh Biro Siasatan Kemalangan Udara (BSKU), CAAM telah melaksanakan kajian semula yang komprehensif ke atas peraturan 147, Peraturan Penerbangan Awam 2016 bagi pesawat berpendaftaran asing yang digunakan untuk operasi penerbangan am.

Kajian semula ini bertujuan untuk memperkasakan CAAM dalam meningkatkan keupayaan pemantauan berkaitan pesawat berpendaftaran asing yang beroperasi di Malaysia, serta memastikan semua aktiviti penerbangan di negara ini mematuhi piawaian keselamatan tertinggi. CAAM dijangka menerbitkan cadangan peraturan baharu ini menjelang penghujung 2024, mencerminkan dedikasi CAAM terhadap penambahbaikan berterusan terhadap amalan keselamatan penerbangan.

Susulan kemalangan Elmina pada 17 Ogos 2023, CAAM telah meningkatkan pengawasan bagi pemeriksaan ramp terutamanya di Lapangan Terbang Sultan Abdul Aziz Shah, Subang, Selangor di mana terdapat banyak aktiviti penerbangan am. Langkah ini menunjukkan komitmen berterusan CAAM untuk memastikan keselamatan dan pematuhan peraturan dalam semua operasi penerbangan.

CAAM teguh dalam memastikan standard keselamatan dan kecekapan diletakkan pada tahap tertinggi dalam sektor penerbangan Malaysia dan mengucapkan penghargaan kepada semua pihak berkepentingan atas sokongan dan kerjasama berterusan semasa pelaksanaan usaha penambahbaikan yang penting ini.

DATO' KAPTEN NORAZMAN BIN MAHMUD
Ketua Pegawai Eksekutif
Pihak Berkuasa Penerbangan Awam Malaysia